

UFÌTZIU LIMBA SARDA **TORTOLI** GENNA DE S'OGLIASTRA

Rassigna de imprenta

Cenarba 12 de aprile 2024, Atividade in iscolas mèdias “Sa Bandera de is 4 moros”



Custu mangianu in sa I A, II A, III a de is iscolas mèdias de s'istitutu cumprensivu n. 1 de Tortolì, s'ufitziu limba sarda de Tortolì at presentadu s'istòria de sa bandera de is 4 moros. Gràtzias a s'interessamentu de sa professora Sebastiana Loi, is istudiantes ant pòtziu connòschere s'origine de custu simbulu, s'evoluzione sua in su tempus e su sighificadu chi tenet. S'atopu imbeniente at a èssere intregadu a sa Rivoluzione Sarda e a is figuras de Guanne Maria Angioi e de Frantziscu Cilocco.

Martis 16.04.2024 Cenarba chi benit, in is iscolas mèdias de Tortolì laboratòriu “Sa Sarda Rivoluzione”



Sighint is atividades de s'Ufitziu de sa Limba Sarda de Tortolì pro sa Die de sa Sardigna. A pustis de s'atopu de giòbia coladu dedicadu a s'istòria de sa Bandera de is 4 Moros, chi at interessadu is piciocheddos de tertza de is iscolas mèdias de s'Istitutu cumprensivu 1, cenarba su 19 de aprile, a ora de is 09.00 s'at a fàghere un'àteru atòpu cun is istudiantes de is primas classes de is mèdias (setzione A, B e C) semper in s'Istitutu Cumprensivu 1 de Tortolì. S'eventu at a èssere intregadu a sa Sarda Rivoluzione, unu periodu de rebellia contra s'autoridade sabàuda chi si fiat acumpridu in Sardigna in su triènniu dae su 1793 a su 1796. Unu momentu fundamentale de custu movimentu fiat istadu su 28 aprile 1794, nòdidu comente Sa Die de s'aciapa, oe tzelebradu comente Sa Die de sa Sardigna, sa festa nazionale de sa Sardigna.

Cun sa presentada de ischedas didàticas in limba sarda, s'operadore Ivan Marongiu at a ispiegare a is picioscos is càusas printzipales chi aiant iscasidadu sa ribellia contra is Piemontesos e sa bogadura issora dae s'isula, firmendesi prus che totu subra unos canto personàgios printzipales de custu periodu, comente Juane Maria Angioy, e àteras figuras a bias iscarèschida, comente sa de Francesco Cilocco.

S'iniziativa, bòlida meda dae s'insinnante Sebastiana Loi, at a serbire comente preparatzione pro sa manifestazione manna dedicada a Sa Die de sa Sardigna, organizada dae su comunu de Tortolì pro su 27 de aprile acanta s'Auditòrium de sa Caritas. A s'eventu, abertu a totus, ant a partetzipare artistas, cantadores, mùsicos, intelletuales, autoridades e is istudiantes de is iscolas mèdias de Tortolì etotu.

18.04.2024, Su PLUS Ogiastra chircat operadores



Su PLUS Ogiastra est in sa chirca de operadores econòmicos pro su progetu Homes Caras Premium, chi punnat a afortiare is servìtzios de assistèntzia direta a is tzitadinos nostros. Custa est un'oportunidade pro is aziendas chi disigiant partetzipare a su progetu.

Su Plus est faghende una chirca de mercadu pro identificare is candidados mègius pro gestire e isvilupare su servìtziu de assistèntzia tècnica destinadu a is 23 comunos de s'Ogiastra, garantende ecuidade e trasparèntzia. Pro àteras informatziones: <https://www.comune.tortoli.nu.it>

15.04.2024 Avisu disinfestazione



Giòbia 18 Aprile, su "Centro Provinciale Antinsett i(CPA) at a èssere impinnadu in una disinfestazione in is àreas birdes de unas cantas bias printzipales de sa tzitade. Custa operatzione est importante pro mantènnere in salute is matas e su paisàgiu urbanu.

A is cummertziantes si faghet a ischire chi non depent pònnere mesas o àteras istruturas esternas in is caminos elencados durante s'interventu. Sa collaboratzione bostra est fundamentale.

Is caminos interessados sunt:

- Bia de Vittorio Emanuele
- Bia de Missennore Virgilio
- Pratzza Rinascita

18.04.2024- Laboratòriu costumù e nodas



Custu mangianu in s'iscola primària de s'istitutu cumprensivu 1 de Tortoli, ddoe est istadu un'àteru atopu de su laboratòriu Costumù e Nodas. Gràtzias meda a totu is piciocheddas/us de sa primària chi oi ant partecipau a su segundu laboratòriu musicali "Costumù e nodas". Gràtzias peri a is maistras po s'agiudu e sa collaboratzioni! In programma atras atividadis e atopus didàticus!